

# LITANIÆ LAVRETANÆ

Anagrammaticè contextæ.

CORONA  
Quoque V. Beatissimæ,  
ex S. Scripturæ Elogijs  
verſu composita.

*Ab Adm: Rñdo. & Doctissimo  
Patre,*

QVINTINO DVRETIO  
Ord: S. Benedicti, in Gerardimontensi  
Vniuersitate Benedictinâ, Elo-  
quentiæ publico Pro-  
fessore.

---

Antuerpiæ primùm Impressa,  
Nunc secundis curis CRACOVIAE,  
In Officina Viduæ & Heredum Francisci Cezary  
S. R. M. Typog:

Bf Bien. B. II 19(6)



ILLVSTRISSIMO ET REVERENDISSIMO  
DOMINO,

D. HIERONYMO

S. R. I. PRINCIPI,

In Wisnicz & Iarostaw

Comiti

LVBOMIRSKI,

Abbati Tynecensi, &c.

**P***Risca Maiorum Nostrorum studia,  
& de Orbe terrarum benè merita,  
in Italia, Hispania, Gallia, Ger-  
mania, passim reflorescunt, Il-  
lustrissime & Reuerendissime Domine.  
quando non vno iam loco, nequè in ijs so-  
lum, quæ per Nostrorum, siuè propter eosdem  
conditæ sunt, Academijs, Nostrorum publicè  
literas profitentur; verum communi, Rei*

Christiana bono, Collegia eiusmodi, atque  
Vniuersitates, siue ipsi excitant, siue in  
gratiam Monachorum fundatas, summam  
auctoritate soli obtinent, ac moderantur.  
Præter enim illas, Parisiensem, Ticinen-  
sem, Oxoniensem, vetustissimas, à No-  
stris olim feliciter erectas Academias;  
recentiores Vniuersitates, hoc sæculo, æter-  
no Nostrorum meritò gloriâque excitatæ,  
fructum ingentem, & antiquo illi (quem  
ab inde degustauit Maiorum ætas, &  
nunquam satis mirari potest, sera po-  
steritas) haud impari, Ecclesiæ Dei, ex  
Monachorum laboribus, pollicentur.

Habent Nostris in Regno Nauarræ Hi-  
raci, in Hispania Oueti, Duaci in Belgio,  
Salisburgi & apud Rhintelenses, in Ger-  
mania, Almas Vniuersitates, in quibus,  
Diuinas atque humanas artes, laudabili  
instituto prælegunt: habent multa, in diuer-  
sis locis, uti Parisijs, Salmanticæ, Vesonti-  
one, & alibi, publica studiorum Collegia,  
quæ inter, amplissimum & florentissimum

Ge-

Gerardimontense in Flandria est, in quo  
iuuentus undiquè confluens, primitiuis ar-  
tibus, & Philosophicis Theologicisque sci-  
entjis, exactè informatur. Quod certè  
Nostrorum studium, insignem Ordini Vni-  
uerso, æstimationem, reparat, conciliatue;  
& tali modo, Familia Benedictina anti-  
quitate defessa, velut redditâ iuuentute,  
videtur reuiuiscere.

Cum autem superiori anno, in manus  
meas, Doctissimi D. Quintini Duretij,  
olim Salisburgi mei contubernalis, nunc  
vero Gerardimontensis Professoris, pia  
quædam & docta Opuscula, deuenissent;  
illorum acumine, & pietate, sæpius le-  
gendo oblectatus sum plurimum, & ea pie-  
tati alenda, ingenioquè aliorum forman-  
do, percommoda videns, quod pauca essent  
exemplaria, quæ plurium manibus uti-  
liter versari possent, non leuiter dolui.

Iam vero, Miracula Deiparæ Tucho-  
uiensis, cum Vestræ Illustrissima & Re-  
uerendissima Celsitudini non pridem de-

*castem, ceu consequens Elogium, LITANIAS quoque LAVRETANAS, & CORONAM Deiparæ, ab hoc Nostro Duretio argutè elaboratas, (vel pauca, ex multis eius, pijsque doctisque Opusculis) statui consecrare. Quod dum præsentim meâ submissâ Dedicacione facio, id quoque unice opto ac voueo, ut in Polonia, simili literarum gloria prouocati Nostri, ac præsertim Tynecenses, sub Vestræ Celsitudinis felici regimine positi, aliorum Benedictinorum consimilia opera, factaque illustria, æmulentur.*

*Ita sentit, vouetque*

**Celsitudinis Vestræ**

**Observantissimus & Obedientissimus F. P. Stanislaus Sczygielski, Monachus Tynecensis.**





**N**Os precor exaudi, quotquot te **CHRISTE** roga-  
Exorantis enim cerneris esse Deus. (mus ;  
Te pius exorat : quid non orando reportet,  
Vota exorantis si Deus ipse probas ?  
Ut mea vota probes, Genitricis gratia mandat,  
Exiguus cupio quam celebrare metris.

Pater de cælis Deus.

**A N A G R A M M A.**

Pares de luce Deitas.

**V**Nde, precor, melius Deitas quam luce refulget ?  
Lux Deitatis opus, mansio luxque Dei.  
Hæc modo sint igitur Deitatis luce corusca,  
Quæ dicta in laudem Virginis esse volo.

Fili Redemptor mundi Deus.

**A N A G R A M M A.**

Tu reddis pro lumine fidem.

**P**Ar soboles Patri, pie Mundi **CHRISTE** Redemptor  
Quæ nitet aethereo lumine, redde fidem.  
Est tua lux fidei : velut auctor luminis extas :  
Sic mentem irradiat te tribuente fides.

Spiritus sancte Deus.

**A N A G R A M M A.**

Vt est, inspiras decus.

**S**Piritus alme Deus, nostri decus ipse misertus  
Inspiras, verum quod liquet esse decus.

Nam

*Nam velut est in se decus immortale suades ;  
Hoc unum decus est, quod quis amare potest.*

Sancta Trinitas vnus Deus.

A N A G R A M M A.

Nutu satis dans increatus.

**O** Deus, ex nihilo nutu qui cuncta creasti,  
Dansq; satis nutu munera promptus habes :  
*Virginis inuerso dum nomine concino laudes,  
Carmina fac nutu sint fabricata tuo.*  
Omnia nos tecum ; sine te nil posse fatemur :  
Cernuus auxilium quero proinde tuum.

Miserere nobis.

A N A G R A M M A.

Eris Orbi semen.

**T** nobis miserere Deus, crimēque remitte,  
Gloria quā veniat, gratia semen erit.

Sancta Maria.

A N A G R A M M A.

Amantis arca.

**S**ancta MARIA Dei Genitrix, dum diceris Arca,  
Conueniens meritis est anagramma tuis.  
Mysticus est sensus, quo federis Arca vocaris ;  
Non alio Noë cerneris Arca modo.

Arca sed ingenit dum dicta es Mater Amantis,  
Fit tuus hoc titulo sat manifestus amor.  
Arca tuos veluti nam tu custodis amantes;  
Quique tui extat amans, ille perire nequit,  
O Marianus amor, verè sincerus Amanti!  
Hoc mihi quis tribuat semper amore frui?

Sancta Dei genitrix.

A N A G R A M M A.

Excitans digna erit.

Excitat humano quaecumque in pectore Virgo,  
Omnia supremo sunt ea digna bono.  
Eia age Virgo Parens, tuus in me suscitet ardor  
Digna, quibus possim gratior esse Deo.

Sancta Virgo Virginum.

A N A G R A M M A.

Tu nunc agis mira vigor.

Virgo Vigor dicenda tuâ es virtute MARIA:  
Mira sed in cunctis nunc agit iste vigor.  
Per te Virginitas toto dominatur in Orbe,  
Quae prius extremo vix bene nota fuit.  
Per te coniugij spreuere cubilia Reges,  
Spretus & à multis est Hymeneus amor.  
Per te millens subierunt fata puella,  
Corporis illarum nè raperetur honor.

Exem.

*Exemplis edocta tuis Catharina triumphat,  
Martyrij palmam Virginitate ferens.  
Cecilia, Agnetis, Prisca, Praxedis, Aselle  
Sunt, Virgo, exemplis debita ferta tuis.  
Tu Virgo vigor atque chori Regina pudici,  
Es meritò tali nomine digna coli.  
Sic te Virgo colam, tua sic vestigia seruem;  
Iungar virgineo, te mediante, choro.*

## Mater Christi.

A N A G R A M M A.

Micat terris.

**O** *Quanto radiat Virgo splendore MARIA!  
Emicat in terris, emicat inq; polis.  
Emicat, atque suo noctem fulgore serenat,  
Emicat, & rutilos efficit ipsa dies.  
Quid mirum est? Stella est, nec non Aurora MARIA,  
Sol velut electa est, Lundque pulchra nitet.*

## Mater Diuinæ gratiæ.

A N A G R A M M A.

E Maria regnat Dei vita.

**I** *Mpie sacrilegâ Mariani spretor honoris  
Voce quid effutis? Non est, ais, ipsa Tonantis  
Virgo Parens, vitæ proprio que munera Nato  
Contulit; hæc hominem tantùm genuisse probatur:  
Nam Deus antè fuit, Matris quam clausus in alio*

Filius iste foret. Stultæ ô deliria mentis!  
 Si Deus antè fuit CHRISTVS, num desijt esse  
 Talis, vt ex castæ Genitricis prodijt alio?  
 Pluribus hand liceat cui non rationibus vti,  
 Hoc anagramma legat. Mater que gratia habetur  
 Diuine, simul hinc vitam tribuisse Tonanti  
 Noscitur; huius enim tituli, si grammata vertas,  
 Ecce Dei regnat de Virgine vita Mariâ.

### Mater purissima.

A N A G R A M M A.

Summa parit reis.

**S**umma parit pia Virgo reis enixa Tonantem;  
 Virginis est partu gratia facta reis.  
 Laus igitur pariter sit reddita summa MARIÆ,  
 Qualibet inferior non erit apta satis.

### Mater castissima.

A N A G R A M M A.

Mittam escas aris.

**N**os pia Virgo parens sacras inuitat ad aras,  
 Spondet & Angelici fercula sancta cibi.  
 Sic ait illa: Aris escas pro munere mittam,  
 Hasq; dapes Nati corpore prompta dabo.  
 Qui cupit ergo epulas, CHRISTI quas mensa ministrat,  
 Virginis imploret, quâ satiatur, opem.

## Mater inuiolata.

### A N A G R A M M A.

#### En tali vitâ amor.

**C**Ede puerprocul hinc Paphijs armate sagittis,  
Quæq; paras pharetris tela reconde tuis.  
Nolo Dionæâ mihi stringi corda sagittâ;  
Me Matris melior Virginis orit amor.  
En tali procedit amor de Virgine purus,  
Puræ velut vita est, purus habetur amor.  
Aspicio lectos niueæ seu frontis honores:  
Frons amor est oculos possidet vnus amor.  
Emicat in geminis amor hinc, atque inde labellis,  
Pectoris in medio prædominatur amor.  
Virgineis stat amor manibus, gressumq; gubernans  
Est amor: in cunctis gestibus extat amor.  
O amor! ô Virgo tali dignissima vitâ!  
Ex qua non vnus regnat, at omnis amor.

## Mater intemerata.

### A N A G R A M M A.

#### Itane terram amet?

**S**iccine Mater amet Virgo sanctissima terram?  
Quæ desiderio desuper astra volat.  
In Cælos pia Virgo magis defertur amore;  
Huic igitur tellus quâ ratione placet?  
Sed non terra placet, tantum placet incola terra:  
Est hominum Virgo namq; salutis amans.

*Diligit illa homines, Natique imitatur amorem:  
Magnus amor Matris, magnus amorq; Dei est.  
Et nos tantus amor necdum Matrisque, Deique  
Excitat, & nondum caelica flamma cremat?  
Frigidius Pario nobis est marmore pectus,  
Illi si duplici non sit ab igne calor.  
Ab caleat, sed CHRISTE tuo mihi pectus ab igne,  
Atque MARIA tuo pectus ab igne flagret.*

### Mater amabilis.

*A N A G R A M M A,*

*Amat mirabiles.*

**I***N re quam peragit quisquis mirabilis extat,  
Virginis & Matris dignus amore venit.  
Non tamen hic numeres, agitur quod Daemonis arte;  
Hoc etenim mirum quis nisi stultus habet?  
Sola facit meritò quod sit, mirabile virtus,  
Cetera non tanto nomine digna reor.  
Turba beatorum Mirabilis extitit olim,  
Illorum veluti plurima facta probant.  
Cara proinde fuit Superùm donata favore,  
Virgineâq; manu caelica dona tulit.  
Si minus ipse queam factus mirabilis esse,  
Virgo, favore fruar non minùs inde tuo.*

### Mater admirabilis.

*A N A G R A M M A.*

*Mira ardebit malis.*



**V**T pia Virgo bonis ardens solatia præbet,  
*Vt potè quos vero Mater amore fouet.*  
 Ardebit sic mira malis, quos sanguine Nati  
*Conspiciet spreto, mortis inire viam.*  
 Virgo MARIA malis noli exardescere nostris,  
 Nos pudet, & sceleris pœnitet esse reos.

### Mater Creatoris.

**A N A G R A M M A.**

### Ritè certas amor.

**Q**Vàm bene certat amor, peragit quam ritè duellū!  
*Bella facit bellus prælia semper amor.*  
 Ritè velut certat, pariter sic ritè triumphat ;  
*Fortior arma etenim nullus amore gerit.*  
 Omnia vincit amor. Quis non concedat amori,  
*Præcipuè fuerit si Marianus amor ?*  
 Ipsa Creatoris, nobis est Mater amoris :  
*Nostræque, Virgo, tuus pectora vincit amor.*  
 Prælia ritè facis, certas animoque virili :  
*Tèque triumphantem laurea ritè facit.*

### Mater Saluatoris.

**A N A G R A M M A.**

### Salutaris à morte.

**V**irgo salutaris non raro à morte probatur :  
*Illà etenim multos eripit amne stygis.*  
 Heu ! moriar, certum est ; sed quidnam à morte seque-  
 Incertum ; mihi sis Virgo proinde salus. (tur,  
 ESTO

*Esto salutaris; quam spero à morte salutem;  
Accipiam meritis, Mater amanda, tuis.*

**Virgo prudentissima.  
ANAGRAMMA.  
Prudentis virga Mofi.**

**C**Lara portentis fuit illa multis  
Virga, qua fluctus reuebens aquarum  
Cum suis Regem Pharium quadrigis  
Obruit undis.

Virga prudentis fuit atque Mofi.  
Qua, sitim turbá patiente, lymphas  
Eruit petrâ, simul & Dracones  
Morte peremit.

Talis est Virgo Genitrix MARIA,  
Virga que Mofi meritò vocatur:  
Illa nam magnos stygij Draconis  
Comprimat ausus.

Saxeo lymphas hominùmque corde  
Exprimit, fletus, lacrymasque donans,  
Quas suo Mundus vehit atque motu  
Dissipat undas.

**Virgo veneranda.  
ANAGRAMMA.  
Vna erudio regna.**

**P**er me, inquit Virgo, sua gestant sceptrâ Monarchæ:  
Et satis erudio que pia regna volo.

Non

*Non bene regnabit, qui non à Virgine doctus  
Contemnet summi iussa tenenda Dei.  
Nec sine præsidio florebunt regna MARIÆ:  
Erudit illa velut, sic quoque regna fouet.*

**Virgo prædicanda.**  
**A N A G R A M M A.**  
**O pura Regi dicanda!**

**O** *Quàm pura nites, Regi que sponsa supremo  
Ad sacrum properas Virgo dicanda thorum!  
Non macula est in te, sed candida tota refulges,  
Ut q̄ Deo similis iungeris una Deo.*

**Virgo potens.**  
**A N A G R A M M A.**  
**Sinu protego.**

**V**irgo MARIÆ potens nullis nos protegit armis,  
Sed tantum proprio protegit illa sinu.  
Paruulus inq̄ sinu Matris dum ludit IESVS  
Protegit adiuncta cum genitrice Deus.  
Sic humiles famulos nos protege Virgo, precamur,  
Inq̄ sinu facias Matris habere locum.

**Virgo clemens.**  
**A N A G R A M M A.**  
**Lucem resigno.**

**L**ucida tota licet niteat virtute MARIA,  
Quidquid habet, munus nouit id esse Dei.  
Omne proinde bonum Nato lucemq; resignat,  
In mare sic fluuij tota recurrit aqua.

Virgo fidelis.

A N A G R A M M A.

Is fulgor diei.

**S**tella non tantum radias MARIA,  
Luna nocturnos agis aut iugales;  
Fulgor at lumen tribuis diei,

*Solis ad instar.*

Fulgor is clari radians diei,

Virgo que mentes hominum fidelis

Criminum cunctas remouens tenebras,

*Luce serenas.*

Sic precor nostro scelerum, beata

Virgo, detergens animo tenebras,

Quae tuus vibrat pietatis ardor,

*Lumina praebe.*

Speculum Iustitiae.

A N A G R A M M A.

Pietatis luce visum.

**A**spicis ut speculum speciosa luce coruscet,  
Assimilet vultus ut sine labe tuos.

Virgo Parens speculum est, quo non perfectius ullum:

Omnis in hoc species splendet & omne decus.

Quis-

visquis ades, similem vis illi fingere formam  
Semper & intacto mentis honore frui?  
picias speculum pietatis luce MARIÆ;  
Non aliter visum proderit esse tibi.

## Sedes Sapientiæ.

A N A G R A M M A.

Sanè es Dei pietas.

¶ Irgo Dei pietas, pietatis viscera pande,  
Afflictosque vide quos premit ira Dei.  
r te Belgiacis Mauors propulsus ab agris  
Efferus in Scythicas deferat arma plagas.  
peccata diu, veniat pax aurea cælo,  
Et tua sit pietas cum pietate Dei.

## Causa nostræ lætitiæ.

A N A G R A M M A.

Ter io, sancta est alia Eua.

Funesta Parens natorum prodiga vita,  
Egredere Elysiis Eua nouerca iugis.  
te laxata est inferni ianua Ditis:  
Per te mors homines sub ditione tenet.  
te sanguineo sæuit discordia bello:  
Per te morborum pullulat omne genus.  
era iam CHRISTI Genitrix ignara mariti,  
Viuorum est meritò constituenda Parens.  
cite io, ter io Mortales dicite cuncti:  
Alterna nam sancta est Eua Parensq; Dei.

*In risum lacrymas, in fletum gaudia vertit,  
Et soluit trepido pectora nostra metu.  
Eua tulit mortem, sed Aue dum nomina vertit  
Angelus, est vite facta MARIA Parens.*

Vas spirituale.  
ANAGRAMMA.  
Leuat suspiria.

**M**ARIA Mater gratiæ,  
Diua Parens clementiæ,  
Virgo leuat suspiria,  
Perfecta donans gaudia,  
Quicumque tristis angitur,  
Magnoque luctu tangitur,  
Matrem Dei gementium  
Quærat lenamen cordium,  
In maximis doloribus,  
Feruens precationibus,  
Dicat cliens pijsimè,  
Oransque deuotissime:  
Virgo Parens mortalium,  
Adfer mihi solatium,  
Quæ fundo mæstus anxia,  
Mater leua suspiria.  
Per te recedant nubila,  
Adsintq; mentis iubila,  
Me recreet suauitas,  
Serenet & tranquillitas.  
Vt me grauant terrestria,  
Sic me inuent caelestia

In c  
Sun  
Va fr  
S  
ctores  
Arbor  
ua fuit  
Sic ole  
ribus,  
Vtilis  
uersis  
Et fuit  
uam b  
Clarit  
rpetui  
Sicut  
sua q  
Exor  
uam s  
Res le  
go tuo  
Quos

*In caelica nam curia  
Sunt vera tantum gaudia.*

**Vas honorabile.**

**A N A G R A M M A.**

**En arbos oliua.**

**Q**uæ fuit armigeræ quondam sacrata Minervæ,  
Semper habet vernas arbor oliua comas.  
Flores etiam florens præcingit oliua ;  
Arbor & hæc pacis symbola certa gerit.  
Quæ fuit ex arcâ primum digressa Noëmi,  
Sic oleæ ramos alba columba tulit.  
Viribus, & ramis est nobilis arbor oliua,  
Vtilis & varijs vsibus illa venit.  
Vniuersis oleo morbis medicina paratur,  
Et sunt sapidi sepius inde cibi,  
Quam bene conueniens est arbor oliua **MARIÆ!**  
Clarius est, dictum quam queat esse metris.  
Perpetui Virgo floret dum laude pudoris,  
Sicut oliua omni tempore verna viget.  
Sua qui referunt obtenta trophæa **MARIÆ,**  
Exornant oleæ frondis honore caput.  
Quam sit pacis amans Virgo, quamq; utilis Orbi,  
Res loquitur Musâ nonne tacente satis?  
Vt ergo tuos liceat Virgo decerpere fructus,  
Quos veluti florens arbor oliua parit.

Vas infigne deuotionis.

A N A G R A M M A.

Suauiſt eſt dono ingenij.

**S**Vauiſta mella ſuis que fundit Hymettia cellis,  
Diuitias veris dum populatur apis.  
Suaue ſapit vinum, ſuauiſt quoque lacteus humor;  
Suauiſta flauiculis Perſica mala comis.  
Amplius eſt multò virtute MARIA ſuauiſta,  
Et dono ingenij ſuauior ipſa ſui.

Rofa Myſtica.

A N A G R A M M A.

Iſta, ros amici.

**R**Os velut in vellus CHRISTVS deſcendit in al-  
Virginis, eſt hominum dum reparata ſalus.  
Eſt pariter Virgo ſic roris ad inſtar, amico;  
Myſtica dumq; roſa eſt, ros quoque fundit aquas.

Turris Dauidica.

A N A G R A M M A.

Ars diua dicitur.

**S**I quiquam Solyma magnâ peregrinus in vrbe,  
Forſitan ignotum deuius ibat iter,  
Quod Pharos eſt nautis, erat huic Dauidica turris;  
Index turris erat conſpicienda via.



*Sic ubi quis vasto peregrinus deuiat Orbe,  
Virginis aspectus figat in ora suos.  
Est etenim p[er] Virgo Parens Dauidica turris,  
Semitā demonstrat quæ capiendā poli.  
Ars ea Diua etiā meritò Dauidica turris  
Dicitur; arte Dei nam fabricata fuit.*

### Turris eburnea.

A N A G R A M M A.

Tūc rubra eris?

**A** Ebalicet Virgo videatur eburnea turris,  
Candida virginea symbola mentis habens;  
Attamen & Diui flammās cūm gestet amoris,  
Rubri cum niueo mixta coloris erit.  
Mixtio grata Deo, casta quā lilia mentis  
Abdita amor rubris efficit esse rosas.

### Domus aurea.

A N A G R A M M A.

Sum aura Deo.

**E** xultant Satyri, virides gaudētq[ue] Napææ,  
Tempore dum verno mollior aura fauet.  
Sic Deus exultans concepit gaudia CHRISTVS,  
Virginei exurgens dum fuit aura sinus.  
Illa fuit vernā multò incundior aura,  
Qualis in Elysio nec fuit vlla solo.

Fœderis arca.

*A N A G R A M M A.*  
Sacra Dei fero.

**B**Ezeleelis opus sanctissimæ fœderis Arca,  
Ex ligno Sethim facta decenter erat.  
Intus & exterius puro radiabat in auro,  
Eius & ex auro facta corona fuit.  
Virgo MARIA Deum clausâ dum protulit aluo,  
Sacra Dei portans fœderis arca fuit.  
Aurea Virgo domus fuit, aurea fœderis arca:  
Hanc bene si spectes, aurea tota fuit.

Ianua cæli.

*A N A G R A M M A.*  
Ei vnica ala.

**P**ernici volucris quæ fertur in æthera cursu,  
Alarum duplici remige carpit iter.  
Vnica quâ melius cœlum sed scanditur, ala est  
Diuus amor: Virgo sic super astra volat.  
Altius & penetrans quamuis sit proxima Nato,  
Illa tamen cœli Ianua Virgo manet.  
Vt potè nullus adit radiantia pematæ cœli,  
Qui prius haud fuerit Virginis huius amans.

Stella matutina.

*A N A G R A M M A.*  
Astat, lumen alit.

**M**undani varijs agit atâ mente procellis  
Qui maris expositus magna pericla subit ;  
Aspiciat Stellam : veluti Cynosura MARIA  
Astat, subsidij ferre parata iubar.  
Stella MARIS maris miseris succurrere docta  
Lumen alit : tantùm lumine disce frui.

## Salus infirmorum.

### A N A G R A M M A.

#### Nisu flammis vror,

**Q**uis iacet infirmus, cuius non Virgo miserta  
Vritur, & flammis aestuat illa pijs ?  
Feruidior Paulo, nisu, studioque medendi  
Proscit, & medicâ doctior arte valet.  
Sæpè quibus Chiron nequijt prestare medelam,  
Et quibus Hippocrates non tulit ullus opem :  
Virginis auxilio febres vicisse malignas  
Cernimus, & quoduis exsuperasse malum.  
Cùm febris ergo tuos nimium depascitur artus,  
Feruida & ignitus pectora cancer edit :  
Dirus hydrops inflatus aquis vel viscera rumpit :  
Insicit aut pestis languida membra lues :  
Et latus & renes morbo tentantur acuto,  
Aut secat infirmos seuâ podagm pedes :  
Vel grauior figit morbus tua corpora lecto,  
Proxima vel tetra fax tibi mortis adest ;  
Virginis, atque Dei genitricis supplice voto  
Ocyus implora quâ releueris, opem.

## Refugium peccatorum.

A N A G R A M M A.

### Egemitu fac cor purum.

**A**h! quibus, ah! quantis lacrymis & planctibus utar,  
Ut plorem vitæ crimina cuncta mea!  
Ipse licet superem morituri carmen oloris,  
Non sat olorum stebile carmen erit,  
Seu vincam Philomela tuos gemitusque modosque;  
Sive tuos Turtur, sive Columba tuos:  
Non satis exacta defleuero crimina vitæ,  
Ah! nimium multis quæ fuit acta malis.  
Nil nisi flere iuuat, sient mihi lumina fontes,  
Ipse cibus gemitus, lacryma potus erit.  
Egemitu fac Virgo meum cor supplico purum;  
Cernere namque Deum mens, nisi pura nequit.

## Consolatrix afflictorum.

A N A G R A M M A.

### Altrix lac format confiso.

**I**mmensi dilecta Parens Altrixq; Tonantis,  
Chi licuit summo ferre alimenta Deo.  
Nectareis prolemq; tuam pauisse fluentis  
Angelicumq; sacro rore cibare, cibum,  
Virgineo prædulce Tibi lac ubere manat,  
Quod nati format casta labella tui.  
A niueâ matris qui dum ceruice pependit  
Aut dum purpureo luserat ipse sinu.

*Delicias fuxisse meras, mera balsama visus,  
Puniceis fixit basia mille labris.*

*Dulci non solum præbes tamen Vbera Nato  
Orbis h' vberibus pascitur usq; tuis.*

*Teg; piam Matrem, natorum turba coronat  
Cui de te niueo viuere rore licet.*

*Me quoq; dura fames, arido de corde, fatigat,  
Dum patior rigidi tædia longa mali.*

*Tot lacrymas inter, totq; inter seua gementi  
Afflicti cordis vulnera, Virgo faue.*

*In te confiso Matris solatia præbens,  
Tu mihi latitia lactea vena fluas.*

## Auxilium Christianorum:

A N A G R A M M A.

### Lux Christi, via animorum.

**E**st via lux CHRISTI mentes ad sidera ducens,  
*Quâq; patent rutili regna beatapoli.*

*Non ita Tyndaridæ fulgentia sidera nautas  
Per mare dum tendunt carbasa luce iuuant.*

**E**st via lux CHRISTI merito dicenda MARIA:  
*Eius enim cæli gratia pandit iter.*

*Qui tenet hanc lucem scelerum caligine pulsâ,  
Cœlica directo tramite regna subit.*

*Lux igitur pia Virgo animi sic dirige gressus,  
Lucidus ut certâ tendat ad astra viâ.*

## Regina Angelorum.

A N A G R A M M A.

### En regnum à gloria.

**N**on bene quis regnat, decoret nisi gloria regnum,  
 Gloria qua varijs est manifesta modis.  
 Sunt quibus à magna est gloria parta triumphis  
 Ex opibus multis gloria vana fuit.  
 Iis melius bellis, his cedit gloria pace,  
 Pluribus atque habitâ prouenit arte decus.  
 Tera sed exornans ut detur gloria regnum,  
 Virtutum studijs illa petenda venit.  
 Talis condecorat Marianum gloria regnum :  
 Cœlica non aliter gloria nâmque datur.

## Regina Patriarcharum.

A N A G R A M M A.

### Primaria curat regna.

**R**egna quibus colitur Virgo primaria curat,  
 Extat de reliquis sollicitudo minor.  
 Imperium curat studio feruente Quirinum,  
 Curat & Hispano duret in Orbe vigor.  
 Sat quoque Virgineæ sunt Francica lilia curæ,  
 Curat & Hungarico subdita regna Duci.  
 Belgica nec tellus est vltima cura MARIÆ ;  
 In Belgas etiam Virginû ardet amor.  
 Usque suam quamuis Mauors hîc explicet iram ;  
 Lenior ira tamen Virg inis extat ope.  
 Lampridem Hæretico, Pallas coniuncta furori  
 Merisset stygio Belgica regna vado,  
 Si pia Virgo manum non implorata dedisset,  
 Eius & in Belgas ni viguisset amor.  
 Perge, rogo, afflictû Virgo succurrere Belgis,  
 In nos atque tuus continuetur amor.

Re-

## Regina Prophetarum.

A N A G R A M M A.

### Pignore pura Mater.

**E**st veluti pignus soboles concessa parenti;  
Sed maculam tali pignore Mater habet.  
Gloria Virginei macula est amissa pudori,  
Virginis & Matris non simul extat honor.  
Sola Dei genitrix Mater, Virgoque remansit,  
Et genito Mater pignore pura fuit.  
Non sobolis partu damnum tulit illa pudoris;  
Sed fuit intacta Virginitate Parens.  
Non capite hoc atrox Mariani nominis hostis,  
Propterea id diro perfidus ore negat.  
Hic impurus enim puræ non Matris amore  
Ducitur, ac sordes diligit ille magis.  
Sordidus est totus, nil puri in pectore gestat:  
Hic animo fœtens Hircus ut alter olet.  
Catholicus contra purus, puræq; Parentis  
Viscera quæ credit pura fidelis amat.  
Sic amo, sic credo, mihi Virgo Mater habetis:  
Te precor & puro sit mihi purus amor.

## Regina Apostolorum.

A N A G R A M M A.

### Virgo planto amores.

**H**ortulus est animus, quem Virginis atq; Tonantis  
Prouida cœlesti cura fauore colit.  
Inserit hinc varios CHRISTVS cum germine flores,  
Inserit & pulchris lilia mixta rosis.

Lilia Virginei sunt symbola certa pudoris,  
Atque rosa similis diuus habetur amor.  
Qualibet est virtus animi flos nobilis horti :  
Altera non isto germina cernis agro.  
Virgo proinde suos quando considerat hortos,  
Perpenditq; animis qualia dona parit.  
Mater amoris ego planto sic, inquit, amores,  
Exq; meo prodit semine castus amor.  
Si sit amor cordi, virtus tunc cernitur omnis ;  
Nulla sed est virtus, si procul abstet amor.  
In me Virgo tuos planta, tibi supplico, amores,  
Tunc hortus Superis mens mea gratus erit.

### Regina Martyrum.

A N A G R A M M A.

In ara mirum gerit.

Ege puerperij sacris dum constitit aris,  
Obtulit & Natum Virgo MARIA Deo :  
Nonne satis visum est quod mirum gesfit in ara ?  
Numen erat mirum quod foret iste puer.

### Regina Confessorum.

A N A G R A M M A.

Vigens fers coronam.

¶ Regina vigens merito fers Virgo coronam :  
Et tua qua gestas florida sceptrata vigent.  
Nam Virgo vigor, nullo violabilis aeo :  
Sunt quoque Reginae debita ferta tibi.

Re-



Regina Virginum.

A N A G R A M M A.

Ingenium irriga.

**A** Nimum clientis irriga ingenium, precor ;  
Est namq<sup>3</sup> sterilis quisquis est Virgo tuâ  
Ope destitutus. Vivat ingenius licet,  
Nil facere cælo quispiam dignum potest,  
Nisi Mariana teneat auxilium manus.

Regina Sanctorum omnium.

A N A G R A M M A.

Vt geram Numinis coronam.

**V**irgo præest cunctis quando Regina Beatis,  
Proximior nullus cernitur esse Deo.  
Numinis inde gerit redimitâ fronte coronam,  
Celsior Angelicis Diua locata choris.  
Exsuperans omnes minor vno Numine regnat :  
Cum Nato imperium Virgo, Parensq<sup>3</sup> gerit.  
Virginis vt titulos Anagramma inuertit honoris,  
Instituit modico carmine Musa preces.

Ora pro nobis.

A N A G R A M M A.

I, probos orna.


**O**ra pro nobis, humiles te Virgo rogamus,  
Atque probos orna quâ pietate decet.

*Agnus & ipse Dei, tollis qui crimina Mundi,  
Parce precor, quidquid mens scelerata fecit.  
Agnus & ipse Dei, tollis qui crimina Mundi  
Exaudi facili quesumus aure preces.  
Agnus & ipse Dei, tollis qui crimina Mundi  
Indulgens nostris sic miserere malis.*

## ORATIO.

**C**orporis atque animi fac nos gaudere salute,  
Virginis intuitu nos Deum atque iuua.  
Tristitiam remoue, presens quâ vita laborat,  
Æterne vita latitiamque feras.





# ROSARIUM

Sive

## CORONA

Sanctissimæ Deiparæ Virginis

MARIÆ,

Ex S. Scripturæ Elogijs

Versu Composita

A R. P. Quintino Duretio Ord: S.

Benedicti.

Rosarium sanctæ Virginis Mariæ.

A N A G R A M M A.

Vera arma sinceri amoris tui signa.

**S**inceri vis signa tui, mi Lector, amoris  
Pandere, quo Sanctos diligis atque Deum?  
Vera quibus pariter stygios ruiturus in hostes  
Bella pugil facias strenuus, arma cupis?

*Virginis in laudem roseo de nomine dicta*

*Tractanda est animo sepè corona tuo.*

*Versibus illa tibi nostri datur arte Magistri,*

*Scriptura ex varijs facta corona locis.*

*Hanc cape quisquis amat Superos, & Demona gestis  
Vincere, vera tuus sic amor arma geret.*

*Pater noster.*

- G**Loria Virginei cœtus salueto MARIA,  
Virgo Parens fieri digna Tonantis, Aue.  
Præsidium, tutela, salus, pietatis asylum,  
Quæ cœlos aperis porta salutis, Aue.  
In medio positum Paradisi nobile lignum,  
Ex quo tota hominis vita pependit, Aue.  
Contrito referens Mulier serpente trophæa,  
Quæ reparas Euxæ damna Parentis, Aue.  
Arca Noë fabricata manu, magnoque labore,  
Diluij fluctus quæ superauit, Aue.  
Pulchra serenatis radians in nubibus Iris,  
Ut color hic signum fœderis esset, Aue.  
Scala Iacob, gradibus cuius descendere cœlo  
Angelici cœtus agmina vidit, Aue.  
Fiscina flumineo Mosen in littore seruans,  
Fluctibus in prædam ne raperetur, Aue.  
O Rube qui medio quamuis videaris in igne,  
Attamen es flammis intuiolatus, Aue.  
Ilacidas ducens refluentes virga per vndas,  
Cum submersa fuit gens Pharaonis, Aue.

*Pater noster.*

- G**Loria quâ Domini fuit omnibus agnita nubes,  
Eius cum populum Manna cibauit, Aue.

Au-

- Aurea Mensa**, super quam fœderis Arca quieuit,  
 Ex ligno Sethim facta decenter, Aue. *Exod. 25*
- Effiginata Deo** digito sculvente tabella,  
 Quâ legis Moyses dogma recepit, Aue. *Exod. 20.*
- Sicca prius**, post fructificans, & Amygdala gignens,  
 Aaron Pontificis virga senilis, Aue. *Num. 17.*
- Sustentans valido** serpentem robore furca,  
 Cuius in aspectu mors fugiebat, Aue. *Num. 21.*
- Stella Iacob**, & Virga Duces quæ strage cruentâ  
 Moab percussit, Seth quoque vicit, Aue. *Num. 24.*
- O robur clypei**, Iosue quem misit in Hai,  
 Iericho & euertens mœnia clamor, Aue. *Iosue 8. 8.*
- Armigeri vellus** Gedeonis rore liquescens,  
 Expers & liquidi postea roris, Aue. *Iud. 6.*
- Qui mixtus cineri** panis per somnia visus  
 Euertit Madian castra furentis, Aue. *Iud. 7.*
- Dextera Sampsonis** discerpens ora Leonis,  
 Cui fuit occiso copia mellis, Aue. *Iud. 14.*

*Pater noster.*

- BEzeleelis opus** sanctissima fœderis Arca,  
 Quâ Deus est Dagon factus inanis, Aue. *1. Reg. 5.*
- Arca Philistæas** potuit quæ vincere turmas,  
 Non secus atque manu tela vibrasset, Aue. *Ibid.*
- Funda Gygantæos** saxo feriente lacertos  
 Quâ Dauid Goliath stamina fregit, Aue. *1. Reg. 1.*
- Prompta labore** trium Bethlemica lympha virorû,  
 Rex Dauid sitiens vt reueletur, Aue. *2. Reg. 2.*

- Lymphæ tamen primis non degustata labellis,  
 Sed libata Deo, munus ut esset, Aue.  
 Frigida præ senio Regis quæ membra moro  
 Virgo foues Abisac & Sunamitis, Aue.  
 Inclyta Bersabee Salomonis digna sedili,  
 Eius quæ lateri proxima sedit, Aue.  
 Marmore, Chrysolitho, gemmis auroq; decorum  
 Templum quod soboles regia struxit, Aue.  
 Iesse virga ferax CHRISTI nascentis origo,  
 Ultima nec nostræ causa salutis, Aue.  
 Numinis effigiem speculum sine labe remittens,  
 Candor ab æternæ fidere lucis, Aue.

### *Pater noster.*

- IERUSALEM veniens magnâ comitante cæternâ  
 O Regina Saba, flos Orientis, Aue.  
 Munera magna ferens queis gratior atria posset  
 Ingrediens, vultus cernere Regis, Aue.  
 Admirata etiam sapientis verba Monarchæ  
 Doctrinâ reliquos qui superabat, Aue.  
 Ampla domus Domini, Salomonis eburnea sedes  
 Pulchra quidem visu, pulchrior intus, Aue.  
 Astiagis sobolis genitrix bene cognita Cyri,  
 Templum Ierusalem qui reparauit, Aue.  
 Magnanimæ Iudith Holophernæ dextera truncans  
 Nos velut illa suos ut tuearis, Aue.  
 Vnica quæ reliquis placuisti pulchrior Ester,  
 Et merita es sceptrum tangere Regis, Aue.

Gloria Ierusalem, simplex sine felle columba,  
 Pulchra genis, picti turturis instar, Aue. *Cant. 1.*  
 Nigra quidem, formosa tamen, vultuque decora,  
 Quam sacer in terris Sponsus amavit, Aue. *Ibid.*  
 Falciculum Myrrhæ Virgo super vbera portans,  
 Cui vestes redolent munera thuris, Aue. *Ibid.*

*Pater noster.*

**H**innule ceruorum super alta cacumina Bethel,  
 Caprea semper amas culmina montis, Aue. *Cant.*  
 Lectule, quem vigilans miles custodit in armis,  
 Ne sponso noceat perfidus hostis, Aue. *Cant. 3.*  
 Horte virens herbis, varijs & floribus halans,  
 Quem munita seris ianua claudit, Aue. *Cant.*  
 Iugiter & valido fons obsignate sigillo,  
 Quo viuentis aquæ defluit humor, Aue. *Ibid.*  
 Distillantque fauam labijs qui melle redundat,  
 Cuius inest linguæ copia lactis, Aue. *Ibid.*  
 Cuius & ornato stillant vnguenta capillo,  
 Totaque Nectarei plena liquoris, Aue. *Ibid.*  
 Cui caput est aurû, cui ex marmore crura colunæ,  
 Nec non triticeus venter aceruus, Aue. *Cant.*  
 Cui collum erigitur veluti Dauidica turris,  
 Cuius fixa tholis arma videntur, Aue. *Cant.*  
 Purpureis euecta rotis Aurora coruscans,  
 Quæ graderis CHRISTI nuntia solis, Aue. *Cant.*  
 Angelicis lociata choris super æthera scandens  
 Fœmina diuinæ conscia mentis, Aue. *Ibid.*

*Pater noster.*

**O**Mnibus ad votum cōponens Manna sapor em,  
Ex quo qui comedit non morietur, Aue.  
Cedre ferens Libani fructus in vertice montis,  
Et quavis Platano celsior Arbor, Aue.  
Frondis Oliua tuæ quæ nunquam perdis honores,  
Vtpotè quos fuerit carpere crimen, Aue.  
Pondere pressa graui quæ in Cades palma resurgis  
Extendens ramos vt Terebinthus, Aue.  
Vinea virtutum grauidis onerata racemis,  
Quam Deus æthereo fonte rigauit, Aue.  
Alma spei Genitrix, sanctique Magistra timoris,  
Et pia diuini Mater amoris, Aue.  
Infirmos homines Piscina probatica sanans,  
Protinus vt lymphas mouerit ales, Aue.  
Fœmina parturiens & lumine Solis amicta,  
Sub cuius pedibus Luna recumbit, Aue.  
Cuius & eximiâ duodenus luce corusca  
Stellarum numerus tempora cingit, Aue.  
Vt finem faciam, Virgo salueto MARIA :  
Laudibus hoc cunctis nomine maior, Aue.

**O B L A T I O.**

**A**ccipe Virgo Dei Genitricis nomine digna  
Quod tibi noster amor carmine prompsit Aue.  
**A**tque soles, grato mea suscipe munera vultu,  
Sint licet hæc tantum verba salutis Aue.  
**E**xiguo, fateor, sunt carmina digna fauoribus,  
Nec satis ampla refert munia laudis Aue.  
Ma-



Magna tamen pietas, totum quâ respicis orbe **W.**  
 Grata precor faciat dona ferentis **Aue.**  
 V. genus a hereâ Gabriel demissus ab aul **V.**  
 Vt quondam placuit cum tibi dixit **Aue;**  
 V. emigio parili mea, quæso, verba ferantu- **R.**  
 Sic nostrum placeat quod tibi fertur **Aue.**  
 V. nsuper hæc summo sint pignora grata Parent **I.**  
 Acceptumque habeat Filius istud **Aue.**  
 V. c ubi Virgo Parens, ex hac discessero vit **V.**  
 In cœlis merear dicere semper **Aue.**

*Hoc Rosarium appensum est ante sta-  
 tuam Diuæ Virginis in Monasterio Affli-  
 geniensi D. Bernardum resalutantis,  
 prodigio celebrem.*





DE  
SANCTISSIMA  
DEIPARA VIRGINE  
MARIA  
AVGVSTISSIMA CÆLORVM  
REGINA

*Anagrammata quædam ejusdem  
Authoris.*

Virgo Maria.  
ANAGRAMMA.  
Mira Virago.

**S**I qua fuit veteri sub lege reperta Virago,  
Musarum lyrico pectine digna coli;  
Nulla fuit CHRISTI genitrice potentior vnquam,  
Nec data nobilior, quæ celebranda foret.  
Namq; Heroïnas superat virtutibus omnes,  
Seu spectes animi robora, siue fidem.  
Dicta Virago fuit, multisq; ornata triumphis,  
Quæ caput Assyrio sustulit ense Duci.  
Debbora consimili est titulo decorata, Iahélque,  
Dum clauo Sisara tempora fixit humi.

At Phlegetonthei calcans fera colla Draconis,  
Est melius Virgo Mira Virago Parens.

Quae tuis memorem, quas pagina sacra recenset,  
Mira Virago quibus Virgo MARIA praeit?  
Nil habet Abigail, nil Esther, nilq; Susanna,  
Quod par sit meritis Virgo MARIA tuis.

Sancta Virgo Maria.

A N A G R A M M A.

Rogata vincis arma.

O Diua, caeli quae colis atria,  
Regina Mundi, Virgoque Virginum,  
Mater Tonantis, Christiani  
Praecipuum generis leuamen;  
Atrocioris Diua potentior  
Tandem furores comprime Palladis:  
Rogata Virgo vincis arma,  
Atque minas superas Gradiui.  
Serua cruentis obuia spiculis  
Virgo tuorum pectora, & hostium  
Vires retunde, concupitam  
Redde, precor, populo quietem.  
Rogata pacis redde petentibus  
Secura Belgis otia, Gallici  
Furore Martis concitata  
Nulla magis videantur arma:

C. 5

Pa-

Parens Maria.

A N A G R A M M A

Ima reparans

**I**nfelix Phaëton, currûs auriga Paterni,  
Deuius ignoti laxis dum cœpit habenis  
Currere regna poli, nimio pars vsta calore,  
Vrbibus & lucis fyluisq; flagrantibus igno  
Dicitur esse soli. Factam reparare ruinam  
Iupiter at cupiens, cœli delapsus ab arce  
Ima citò gressu petijt, primumq; per arua  
Errans Arcadia, reparauit quidquid ab igne  
Consumptum fuerat. Veteres simenta Poëta  
Talia dum faciunt, nobis que vera canamus,  
Argumenta ferunt, Mundi reparasse ruinam  
Ima petens meritò nonne est dicenda MARIA?  
Cuius Virgineâ Christus dum prodijt aluo,  
Ipsa Parens primi reparauit damna Parentis.

Sancta Maria Mater Dei.

A N A G R A M M A.

Adamas in terra emicat.

**N**on magè Beryllos, flammis similésque Pyropos  
Admirans stupeo, quas debet Indus opes.  
Iam mihi vilescit Sapphirus, Iaspis, Achates,  
Et sordet Parius, Chrysolitusque lapis.  
Emicat ecce Adamas in terrâ Virgo MARIA;  
Sufficit illa animo gemma reperta meo,

Virgo Dei Mater.

ANAGRAMMA.

Tu amore dirige.

V	irginei laus prima chori, Matérque	T	onantis,
I	mpia quã dominã Phlegetontis turba	V	eretur,
R	eltricemq; vocant patriæ celestis	A	lumni,
G	loria Ierusalem, Mundi Regina	M	ARIA,
O	mnia, ius cedente Deo, quæ continet	A	rbis,
D	irigis, & meritò mundus tibi tradita	M	oregna
E	t tua sceptra colit. Quis ut ment	R	serenã
I	mperio parens cupiat se subdere,	E	iuo
M	ater amore regas. Est optima norma	D	ubendi,
A	d se corda hominum vero compelle	I	e amore.
T	e pia Virgo precor, tali me dir	R	ige normã,
E	t qua nectit amor, me fortia vincla	I	ubernent,
R	egna quibus merear post mortem scãd	G	ere celi,

Sancta Maria Mater Dei.

ANAGRAMMA.

Castâ anima mirè ardet.

**C**astæ animæ quàm castus amor, quã mirus & ar-  
 Non sentit Scythicas Bystoniaq; niues. (dor!  
 Sancta Dei Mater castâ dum mente refulget,  
 Pen in suo nimirum soluitur igne flagrans.

San-

Sancta Maria Dei genitrix.  
ANAGRAMMA.  
Regina existit ac miranda.

**O** Nusta gemmis, queis diademata  
Mordent capillos, fama potentiam  
Quid Principum tantum laboras  
Aonijs celebrare pletris?  
Vtrumne maior nulla potentia  
Regum coronis est tibi cognita?  
Digni MARIÆ num potestas  
Maior habet titulos honoris?  
Hac Virgo in omnes imperium obtinet  
Regina mundi: nota fauoribus  
Miranda regnat, subditorum  
Vsq̄ animos bonitate flectens,  
Est maior Esther; Bersabea inclytos  
Miranda fasces hæc superat, Dei  
Regina Mater, totus Orbis  
Quam merito dominam veretur.  
Maiores dicam: Tanta potentia  
Exat MARIÆ, sidereæ domus  
Supremus ut rector Parentis  
Imperio sua sceptrum subdat.

Mater Iesu.  
ANAGRAMMA.  
Tu mea eris.

**D**iceris, & meritò, Virgo tu Mater IESV;  
Sed mea, si lubeat, tu quoque Mater eris.

Tu mea Mater eris, cupio dum filius esse,  
Dumq; pia obsequium reddere mente volo.  
Tu mea Mater eris, pro quâ nil ferre recuso:  
Mors mihi dulcis erit, dum mea Mater eris.

Mater Iesu.

A N A G R A M M A.

Es vti Mare.

**S**Tella MARIA maris non tantùm cerneris esse,  
Sed magis es veluti tupa Virgo Mare.  
Vti Mare fundit aquas, cœli sic munera præbes:  
Est etenim meriti gratia tanta tui.

Virgo Mater Iesu.

A N A G R A M M A.

Ver viget amoris.

<b>V</b> er ubi perpetuum Zephyro perstante	<b>V</b> irorem
<b>I</b> nducit, roseum Florâ linquent	<b>V</b> er cubile,
<b>R</b> idet ager, vestitur humus, producit u	<b>V</b> er herba,
<b>G</b> emma tumet vitis, decoratur frondib.	<b>V</b> er s arbor.
<b>O</b> mnia tunc florēt, capiunt tunc cūcta v.	<b>V</b> er ironem.
<b>M</b> ellis apes granide fragrantia dona	<b>V</b> er erentes
<b>A</b> t peruolitant, implent vel nectar	<b>V</b> er cellas.
<b>T</b> ale Dei Matris tempus Ver gigni	<b>V</b> er amoris.
<b>E</b> xornant animi virtutum lili	<b>V</b> er campum,
<b>R</b> ecreat huncq; suo diuinum Pneu.	<b>V</b> er a stabello.
<b>I</b> llic Assirium pietas emittit	<b>V</b> er dorem,
<b>E</b> ducitque suos leto cum germine f	<b>V</b> er uctus.
<b>S</b> ic viget, & veri similis mens Virgin	<b>V</b> er s extat;
<b>V</b> ernat amore Dei, nec non manet vsq;	<b>V</b> er s erena.

Sancta virgo Maria Mater Iesu.

A N A G R A M M A.


Etiam micans ea surgit aurora.

**V**Ndis priusquam luce perfecta micans,  
Radijs cornuscum Cynthius tollit caput,  
Equosque Diva Nectaris pastos dape,  
Ignem vomentes naribus, plaustris liget,  
Solitoque cursu deuehat terris diem,  
Euecta croceis Memnonis Mater rotis,  
Varijs polorum floribus plenas fores  
Aurora pandens, obuios caeli mouet  
Venusta gressus; eius aduentu nigrâ  
Fugiente nocte Phosphorus stellas leui  
Fugat flagello, Redditur terris iubar,  
Lumenque maius. Tota tunc leui madet  
Tellus pruinâ, Quilibet somnum excutit,  
Suamq; promptus lucis ad primum iubar  
Aggreditur artem. Cuncta recreantur, suos  
Vt veeta bigis exerit vultus Eös.  
Sic ante Solis quam vices CHRISTVS gerens  
Dominator Orbis, patrio lapsus sinu  
Suas per omnem spargeret mundum faces,  
Aurora veluti coepit ut vitâ frui  
MARIA caeli fulgidas pandens fores  
Terris refulsit, tetra tunc cessit nono  
Imago noctis lumini; subito procul  
Fugere tenebras, quidquid & primus Parens  
Inuexit Orbi sceleris, hâc fugit retrô  
Veniente luce, mensque diuino fuit



Sic madida rore, fuerit ut statim ferax  
Virtutis actus Verna non surgens Eos  
Tardigrata profert tempora, ut fuit dies  
Quia Virgo Nat. prima ad lucem micans  
Aurora toti contulit mundo iubar.









M. J. C. M. 3